

# Forskrift om ordensreglement for grunnskulen i Bømlo

- Gilje skule -



**01.07.2014**

**Rådmannen**

Vedteken i Utvalet for oppvekst, kultur og idrett 02.09.2014, sak 38/14

Vedteken i kommunestyret 22.09.2014, sak 69/14

Godkjend i FAU Gilje skule 30.11.2015

## Innhald:

<b>1. Innleiing .....</b>	<b>3</b>
<b>1.1. Heimel .....</b>	<b>3</b>
<b>1.2. Innhald og virkeområde .....</b>	<b>3</b>
<b>1.3. Skulane sitt eige ordensreglement .....</b>	<b>3</b>
<b>2. Formål, rettar og pliktar for elevane.....</b>	<b>4</b>
<b>§ 1 Formål .....</b>	<b>4</b>
<b>§ 2 Eleven sine plikter .....</b>	<b>4</b>
<b>§ 3 Eleven sine rettar .....</b>	<b>4</b>
<b>§ 4 Reglar .....</b>	<b>4</b>
<b>§ 5 Generelle retningslinje i høve til tiltak sanksjonar.....</b>	<b>5</b>
<b>§ 6 Tiltak og sanksjonar .....</b>	<b>5</b>
<b>§ 7 Særskilt presisering av forhold knytta til ordensreglementet .....</b>	<b>6</b>
Mobbing og valdeleg åtferd .....	6
Farlege objekt .....	6
Rusmiddel.....	6
Tobakksfri skule.....	6
Ransaking .....	6
Hærverk/skadeverk på skulen .....	6
Mobiltelefon og kamera .....	6
Internett.....	7
Fusk .....	7
Straffbare forhold .....	7
<b>§ 8 Lokale ordensreglar ved Gilje skule / SFO .....</b>	<b>8</b>
<b>§ 9 Fastsetjing av karakter i orden og åtferd.....</b>	<b>9</b>
<b>§ 10 Sakshandsaming .....</b>	<b>9</b>
<b>§ 11 Iverksetjing .....</b>	<b>9</b>

# 1. Innleiing

## 1.1. *Heimel*

Med heimel i lov av 17.juli 1998 nr.61 om grunnskulen og den vidaregåande opplæringa, Opplæringslova §2-9, og politisk vedtak fatta i utval for oppvekst, kultur og idrett den 16.10.2012, er felles ordensreglement fastsett for skulane i Bømlo kommune.

## 1.2. *Innhald og virkeområde*

Ordens- og åtferdsreglementet omfattar alle grunnskular i kommunen.

Reglementet inneheld reglar for åtferd, reglar for kva for tiltak som skal nyttast ved brot på reglementet (sanksjonar), og reglar for framgangsmåten når slike saker skal handsamast (sakshandsamingsreglar).

Reglar og sanksjonar som er omtala i opplæringslova og forskrifter til opplæringslova, er som hovudregel ikkje gjenteke i ordensreglementet. Skulen plikter å informere føresette og elevar om desse reglane.

Skulane har ansvar for elevane i undervisning, arrangement, ekskursjonar m.m. Dette vil seie at ordensreglementet gjeld i alle typar undervisningslokale, i fellesrom, uteområde og på turar i skulen sin regi.

Ordensreglementet for den einskilde grunnskule skal også gjelde på skulevegen.

Skulefritidsordninga (SFO) i grunnskulen skal ha eige ordensreglement fastsett som ein del av avtalen mellom den einskilde skule og dei føresette til barnet.

## 1.3. *Skulane sitt eige ordensreglement*

I tillegg til eit felles ordensreglement for grunnskulen i Bømlo, skal den einskilde skule utarbeide sitt eige reglement for trivsel, orden og åtferd. Dette reglementet skal ta utgangspunkt i lokale forhold og særleg sikre at skulen har rutinar og prosedyrar for å ivareta elevane sitt psykososiale skulemiljø.

Den einskilde skule kan i tillegg ha reglar om t.d. ordensteneste, opphaldsreglar, sykling til skulen, eller andre spesielle forhold.

Alle rådsorgan ved skulen skal delta i utforminga av reglementet.

Ved eventuell motstrid vil opplæringslova og det felles ordensreglementet ha forrang framfor det lokale reglementet.

## 2. Formål, rettar og pliktar for elevane

### **§ 1 Formål**

Grunnskulane i Bømlo skal vere prega av eit konstruktivt samarbeid mellom elevar, føresette og tilsette på skulen. Elevane skal lære å sjå seg sjølve som medansvarlege for eit godt fellesskap prega av trivsel og respekt.

Ordensreglementet er eit verkemiddel for å nå denne målsetjinga. Ordensreglementet tek utgangspunkt i at skulen er til for elevane, og at elevane ønskjer å bruke sine positive ressursar til å nå målsettinga om eit godt skulesamfunn for alle.

### **§ 2 Eleven sine plikter**

Eleven har plikt til å:

- Ikkje mobba andre
- Arbeida for eit godt lærings- og skulemiljø
- Behandla andre på ein skikkeleg måte i høve til normalt god folkeskikk
- Visa respekt for andre og ikkje øydeleggja noko på skulen eller for andre
- Ikkje utsetja andre for krenkjande ord og handlingar
- Retta seg etter åtvaringar eller sanksjonar

### **§ 3 Eleven sine rettar**

Elevane har rett til:

- Å ikkje bli mobba
- Eit godt lærings- og skulemiljø
- Å bli behandla på ein skikkeleg måte av alle ved skulen
- Å ikkje bli utsett for krenkande ord og handlingar

### **§ 4 Reglar**

Elevane skal:

- Syna omsyn og respekt for andre
- Halda seg innafor normene for arbeidsro i timane
- Syna respekt for undervisninga
- Møta presis til timar og avtalar
- Gjera skulearbeidet til rett tid
- Ha med bøker og anna naudsynleg utstyr
- Halda god orden i alt som har med skulen og skulearbeid å gjera

- Halda området på skulen reint og ryddig
- Ta godt vare på alt som høyrer skulen til, ute som inne, og stella fint med skulebøker og anna undervisningsmateriell
- Passa på personlege ting og i minst mogleg grad ta med seg verdisaker på skulen

Elevane skal ikkje:

- Mobba eller plaga
- Ha krenkande språkbruk eller språkbruk som kan verka brutaliserande
- Slåst eller utøva anna vold
- Øydeleggja for andre sin leik
- Vera krenkande i ord og handling knytt til kjønn, religion, legning eller nasjonalitet
- Ha med våpen eller gjenstandar som er eller kan opplevast som farlege
- Ha med rusmiddel av noko slag
- Nytta tobakk eller snus i skuletida
- Forlata skulen sitt område utan særskilt løyve

## **§ 5 Generelle retningslinje i høve til tiltak sanksjonar**

- Alle tiltak og sanksjonar skal vera slik at eleven kan forstå kva reglar som er brotne og kvifor skulen må reagere som han gjer
- Fysisk refsing er ikkje tillate
- Fysisk arbeid, som å vaska og rydda opp etter seg eller reparera noko som er øydelagd, er tillate
- Etter § 2 i denne forskrifta pliktar elevane å retta seg etter iverksette tiltak eller sanksjonar
- Tiltak og sanksjonar skal alltid vurderast i høve til kor alvorleg brotet på ordensreglementet er

## **§ 6 Tiltak og sanksjonar**

- Munnleg åtvaring
- Munnleg melding til føresette
- Skriftleg melding til føresette
- Pålegg om oppgåver for å retta opp skade/hærverk
- Møta på skulen før eller etter skuletid for samtale/å utføra pålagde oppgåver
- Overføring til anna klasse
- Overføring til anna skule
- Beslaglegging av objekt brukt på ein farleg eller provoserande måte
- Nedsett karakter i orden og/eller åtferd
- Bortvisning
  - a) Skjer etter reglane i § 2-10 i Opplæringslova
  - b) Skjer i samsvar med fastlagt prosedyre og nasjonale retningslinjer dokumentert i kvalitetssystemet

## **§ 7 Særskilt presisering av forhold knytta til ordensreglementet**

### **Mobbing og valdeleg åtferd**

Det er nulltoleranse for mobbing, vald eller trugsmål om vald, og her skal retningslinjene i mobbeplan og plan for det generelle arbeidet med det psykososiale miljøet etter kap 9a i Opplæringslova følgjast.

### **Farlege objekt**

Når skulen vurderer ein gjenstand å vera våpen eller gjenstand som kan skada andre vil desse bli beslaglagt av skulen og leverte til føresette. Ulovlege gjenstandar kan overleverast til politiet.

### **Rusmiddel**

Det er forbode å vera rusa på skulen. Vidare er det forbode å bruka, oppbevare omsetja eller ha med seg ei kvar form for rusmiddel. Skulen skal inndra rusmiddel som vert oppdaga. Alkohol skal overleverast dei føresette. Ulovlege rusmiddel skal overleverast til politiet.

### **Tobakksfri skule**

Det er ikkje tillatt å bruka tobakk og/eller snus i skuletida, i skulen sine lokalar, på skuleområdet og turar/ekskursjonar i regi av skulen, jfr. Tobakksskadelovens §27 (*Tobakksforbud på skoler og i skoletiden*). Tobakksvarer skal overleverast dei føresette.

### **Ransaking**

Er det mistanke om straffbare forhold knytta til rusmiddel eller farlege gjenstandar kan skuleleiinga be politiet om hjelp til ransaking. I slike tilfelle skal foreldre så langt det let seg gjera varslast på førehand.

### **Hærverk/skadeverk på skulen**

Skade/hærverk gjort med forsett på skulebygg, utstyr og bøker kan medføre erstatningskrav overfor føresette. Dette gjeld også skade påført klede eller utstyr tilhøyrande medelevar eller tilsette. Reglane i §§ 1-1 og 1-2 i Skadeerstatningslova vil gjelda. Utover dette kan elevar som gjer skadeverk bli pålagde å rydda opp etter seg og/eller å utbetra skade.

### **Mobiltelefon og kamera**

Det er ikkje tillate å filma eller ta bilete av medelevar eller tilsette utan at dette er godkjend på førehand. Skulane vedtek sjølve reglar og sanksjonar for bruk av mobiltelefon og kamera i skuletida.

## Internett

Internett skal i utgangspunktet berre brukast i tilknytning til undervisning. Kvar skule vedtek eigne reglar for bruk av datautstyr utanom den organiserte undervisninga.

## Fusk

Fusk eller forsøk på fusk er å rekna som brot på ordensreglementet og vil kunna få konsekvensar for eleven sin åtferdskarakter. Kva som er å rekna som fusk vil vera definert i høve til den enkelte prøve-situasjonen og vil gjelda tillatne hjelpemiddel og kommunikasjon med andre. Plagiering frå medelevar eller kjelder på internett vil uansett vera å rekna som fusk. Når fusk vert oppdaga skal arbeidet/prøven/testen annullerast. Dette vil svekka vurderingsgrunnlaget i faget.

Ved fusk til eksamen vil *Forskrift til opplæringslova. Annullering av eksamen § 3-37* fjerde og femte ledd gjelda.

## Straffbare forhold

Dersom det ligg føre mistanke om straffbare forhold kan skulen be politiet om hjelp. Alle straffbare forhold skal meldast til politiet uavhengig om det gjeld ein elev eller ein tilsett. Straffbare forhold kan tenkjast å vera tjuveri, vald, trugsmål, valdtekt, seksuell trakassering, utuktig omgang med mindreårige, lekamsskading, narkotikarelaterte brotsverk, rasistiske utsegner eller handlingar, hærverk/skadeverk, sjikane knytta til religion/legning/nasjonalitet/kjønn, oppbevaring eller bruk av våpen.

Skulen skal så langt det let seg gjera varsla føresette før politiet vert kopla inn. Blir eit forhold meldt til politiet skal føresette alltid ha skriftleg varsel om dette.

## **§ 8 Lokale ordensreglar ved Gilje skule / SFO**

Skulen vår skal vera ein stad der alle har det godt og kjenner seg trygg. Då må alle som er i lag på skulen visa at dei bryr seg om kvarandre! Difor har me vedteke desse reglane. Dei skal hjelpa oss til at alle har det godt og alle kjenner seg trygge.

### **Det er dei vaksne på skulen som bestemmer.**

1. Alle skal ha respekt for kvarandre. Det vil seia at det ikkje er lov å erta, mobba eller slåss.
2. Me skal snakka fint til og med kvarandre. Det vil også seia at du ikkje skal bruka ord og uttrykk som er stygge. Alle må prøva å gå føre som gode døme. Hugs at dei som er yngst lærar av dei som er eldre.
3. Elevane skal gå ut i friminutta, og retta seg etter vaktene.
4. Farleg leik er forbode. Den kan til dømes vera kasting av stein eller snøball. Snøballkasting er berre tillate på tilvist plass. Sidan det er dei vaksne som har ansvaret, må dei også avgjera kva som er farleg.
5. Me må ta godt vare på skulen vår. Skulebøker, stolar, pultar, hyller, datamaskinar, leikeapparata utem, må me fara fint med. Ved uvøren framferd, kan skulen krevja vederlag.
6. Det er ikkje lov å ta noko frå andre. Dette gjeld t.d.: luver, sko, penal o.l.
7. Det er ikkje lov å ha med snop, tyggegummi, bærbare dataspel eller mobiltelefon på skulen. Dersom du treng mobiltelefon, må det vera etter avtale med foreldra og den skal vera av og i ranselen i skuletida. Skulen har ikkje ansvar for skade på mobiltelefonar.
8. Endring i forskrift til opplæringslova §12 -1 av 20. august 2015, gjer føresette rett til å bestemme kva tid eleven kan sykle til skulen. I samråd med FAU og ut i frå rettelinjer frå Trygg trafikk, ønskjer Gilje skule likevel at alle elvar ventar med å sykla til skulen til dei har bestått sykkel- opplæringa og prøven som skulen arrangerer på våren i 4. klasse.
9. Dersom ein elev borte frå skulen pga. sjukdom, skal skulen ha melding i meldingsboka etterpå. Dersom ein elev må vera borte frå skulen av anna grunn, skal skulen ha melding om dette på førehand. Om fråvær, sjå: [www.bomlo.kommune.no](http://www.bomlo.kommune.no) gå til bømloskulen.
10. Dersom ein elev treng fri ei veke, skal det sendast skriftleg søknad til rektor, 2 veker på førehand. Det er foreldra som har ansvar for opplæringa dersom elevane vert tekne ut av skulen utanom ordinære ferie/fridagar.
11. Det er foreldra sitt ansvar at heimearbeid/lekser vert gjort og levert i rett tid.
12. Kontaktlæraren har ansvaret for å følgja opp brot på reglane, og ansvar for å gi foreldra melding om dette. Slik gjer me det:
  - Du får ein advarsel første gongen om at dette må du slutta med.
  - Ved neste brot vert det sendt melding heim pr. telefon.
  - Ved neste brot vert det sendt melding heim i eige brev. Skulle ikkje dette vera nok, kallar skulefri deg og foreldra inn til møte der me avgjer kva som skal skje vidare.
13. Rektor kan visa ein elev bort frå skulen for 1 heil dag, dersom det er alvorlege brot på reglane. Foreldra skal då ha melding på førehand.

**Me bryr oss!**

**Elevrådet**

**FAU**

**Lærarane**

**Rektor**



## **§ 9 Fastsetjing av karakter i orden og åtferd**

- Når ein fastset karakter i orden og åtferd skal ein ta omsyn til i kva grad eleven har opptreidd i samsvar med ordensreglementet for grunnskulane i Bømlo og det særskilte tilleggsreglementet som gjeld for NN skule.
- Grunnlaget for vurdering i orden skal vurderast i høve til om eleven er førebudd, har gode arbeidsvanar, har arbeidsinnsats som er tilfredsstillande, er presis, følgjer opp arbeidet som skal gjerast og har med nødvendige læremidlar og utstyr.
- Grunnlaget for vurdering i åtferd er knytt til korleis eleven er mot andre elevar og tilsette i skulen. Alle tilsette skal her reknast med – ikkje berre undervisningspersonalet.
- Vurderingane i orden og åtferd skal kategorisk skiljast frå kompetansen i fag.
- I vurderinga av orden og åtferd skal det takast omsyn til elevane sine føresetnader. Det skal ikkje leggjast vekt på enkelthendingar dersom desse ikkje er særskild klanderverdige eller grove.

## **§ 10 Sakshandsaming**

Reglane for sakshandsaming for brot på ordensreglementet skal særskilt følgja reglane etter §§ 2-9 4. ledd og 2-10 andre ledd og reglane i forvaltningslova generelt. I Forvaltningslova er kap III-VI som omhandlar enkeltvedtak av særskilt betyding.

## **§ 11 Iverksetjing**

Forskrifta om ordensreglement gjeld frå 01.12.12. Reglementet skal gjerast kjent for elevane, dei føresette og dei tilsette kvart år ved starten av skuleåret. Dette er skulane sitt ansvar.

Ordensreglementet skal til ei kvar tid endrast i samsvar med endringar i gjeldande lover og forskrifter.

Ordensreglementet skal til ei kvar tid finnast på kommunen sine heimesider (den generelle delen) og på den einskilde skulen sine heimesider (full versjon med lokale tilpassingar).